



UNIVERSITÄTS-  
BIBLIOTHEK  
PADERBORN

**Candidatus Abbreviatus Jurisprudentiae Sacrae, Hoc Est,  
Juris Canonici, Secundum Gregorii Papae IX. Libros V.  
Decretalium Explanati Summa, Seu Compendium**

**Pichler, Vitus**

**Augustae Vindel., 1733**

Titulus XLI. De in integrum Restitutione.

---

[urn:nbn:de:hbz:466:1-63440](#)

quod met. caus. Alterum est exceptio quod metūs causā, in rem scripta. §. 1. Inst. de Except. l. 4. §. 33. ff. de doli mali & met. except. Et hæc datur, quando res nondum est tradita, quæ interveniente metu fuit promissa, ad repellendum, qui petit traditionem: Actio verò datur, quando res jam est tradita, vi cuius ita restitui debet metum passus, ut non tantum res illi tradatur, sed etiam emolumenta & fructus, quos percepit metum inferens, vel qui mala fide rem detinuit, imò & quos metum passus percipere potuisset. l. 12. cit. Quia mala fide detinens fuit injusta causa hujus lucri cessantis. Si tamen res metu extorta pervenit ad possessorem bonæ fidei, is per sententiam solum ad rem & fructus formaliter existentes restituendos condemnatur, ut magis declarabo ad tit. de caus. possess. & propr.

## TITULUS XLI.

### De integrum Restituzione.

#### SUMMARIUM.

1. Quid sit restitutio in integrum, & quando habeat locum.
2. Competit per se Minoribus, & quando.
3. Item Ecclesiis, Communitatibus, & quandoque Majoribus.
4. An etiam contra Minores, vel Ecclesiias.
5. Ubi & quomodo petenda sit.
6. Ac intra quale tempus. Ignoranti lassionem currit hoc tempus.
7. Qualiter fieri debeat restitutio.

Resti-

I. **R***Estetutio in integrum formaliter sumpta ac in genere est repositio in prissimum statum: causaliter vero & specificè est remedium extraordinarium à Prætore introductum, quo læsi ex æquitate vel justa causa per officium Judicis reponuntur in statum, in quo fuerunt ante læsionem. Dicitur extraordinarium; quia conceditur pro casu, quo deficit remedium Juris ordinarii, seu actio. l. 16. pr. ff. de Minor. uti apud Minores, quibus ratione ætatis lubricæ de actione provisum in Jure non est. Per accidens tamen competere etiam potest, licet non desit remedium ordinarium, si nimis illud extraordinarium sit isto pinguis. l. 3. & ult. C. si ut. vel curat. intervenerit. v. g. si Minor est læsus ultra dimidium, habet quidem actionem ex l. 2. C. de rescind. vendit. potest tamen, & rectè petit restitutionem in integrum; quia in hac non tenetur probare læsionem ultra dimidium, sed solum notabilem, quod facilius est; ac insuper rem ipsam recuperat, cum tamen in arbitrio lædentis ultra dimidium esset vel rem redhibere, vel supplere pretium, si ageret ex d. l. 2. Ab initio est quidem introducta restitutio in integrum à Prætore. l. 1. ff. h. t. postea tamen ab Imperatoribus extensa. Petitur non per actionem, sed per implorationem officii Judicis.*

2. Dico I. Beneficiò Restitutionis in integrum regulariter gaudent Minores utriusque sexus. 2. eorumque hæredes & successores. 3. modò probent notabilem læsionem. 4. quam passi sunt ex negotio civili, valido, & ex se rescindibili, ob ætatis infirmitatem, vel aliorum nequitiam, aut curato-

rum

rum negligentiam. &c. Pars 1. manifesta fit ex l.  
 1. 6. seqq. l. 31. seqq. ff. de Minor. l. 1. 2. 7. 8. ff. b.t.  
 Dixi, regulariter; nam nec Minores restituuntur, si  
 dolum commiserunt in contractu, vel alios per in-  
 juriā & delictū, v. g. per furtū læserunt, li-  
 cet ipsi simul sint læsi: si casu fortuito sunt læsi:  
 si fraudulentur se finxerunt majorenes, seu 25.  
 annis majores: si post impetratam ætatis veniam  
 contraxerunt, nisi immoderatam donationem fa-  
 cerent: si actum vel contractum juramentō fir-  
 mārunt, vel jurati renuntiārunt huic beneficio: si  
 majorenes effecti approbārunt in minorenitate  
 gestum, vel in hac cœptum perfecerunt majore-  
 nes: si lædantur à parentibus. Pars 2. ex l. 6. ff.  
 eod. l. 18. §. 5. ff. de Minor. non obstante, quod  
 hoc privilegium sit personale, quia aliquo modo  
 est reale, utpote concessum non tantum ratione  
 personæ, sed etiam ratione damni: qua de causa  
 etiam privilegium S. C. Velleiani transit ad hære-  
 des. l. 20. C. ad S. C. Vellei. hæredes igitur & suc-  
 cessores Minorum restituuntur toto tempore, quo  
 poterunt ipsi Minores restitutionem petere. Pars  
 3. ex l. 3. 4. 8. ff. b. t. nam de minimis non curat  
 Prætor, ut habet commune axiomā, &, nisi læsio,  
 unde unde orta, deberet vel esse manifesta, vel con-  
 vincenter probari, nemo vellet contrahere cum  
 Minoribus, uti &, si ipsis concederetur restitutio  
 ob casu fortuito evenientem læsionem; & sic in  
 ipsorum dispendium retorqueretur, quod est in  
 eorum favorem introductum, contra c. 61. de R.  
 f. in 6. Pars 4. tum ex l. 1. C. si advertūs delictū.  
 ibi: in criminibus ætatis suffragiō Minores non ju-  
 rantur; etenim malorum mores infirmitas animi non

EXCLL.

*excusat:* ergo negotium non debet esse criminale, vel delictum, sed civile, sive dein sit contractus vel aliud negotium extrajudiciale, gratuum vel onerosum, sive sententia, vel actus Judicialis, ex quo damnum, aut lucrum cessans ipsis secutum est: tum ex l. 16. §. 3. ff. de Minor. & ex ratione; si enim negotium non esset validum (vel rescindibile non esset, uti Matrimonium à Minorenni valide contractum) locum non haberet restitutio in integrum propriè dicta, utpote remedium rescissorum t. t. ff. de in integr. restitutionibus. & de Minor.

3 Dico 2. Ad exemplum Minorum etiam Ecclesiae gaudent restitutionis in integrum beneficio. 2. & aliqui majorennes ex justa causa. Pars prior constat ex c. 1. seqq. h. t. & c. 1. eod. in 6. quia earum res etiam curari debent alienâ industria & administratione, sicut res Minorum, atque idcirco facile lèduntur vel negligentia, vel malitia administratorum, in proprium commodum illarum bona vertentium. Nomine Ecclesiistarum autem veniunt omnia loca Pia & Religiosa, uti Collegia Clericorum, Monasteria, Hospitalia auctoritate Episcopi erecta, confraternitates ad Religionis augmentum institutæ: Respublica, civitates, Princeps seu Caput Reipublicæ, iudei & vici, castra &c. quæ habent bona communia, per administratores curari solita. Pars posterior ex l. 1. ff. ex quibus causis Majores. ubi Ulpianus ex Edicto Prætorio recitat hanc clausulam generalem: item si qua alia mihi justa causa esse videbitur in integrum restituam. Justæ autem causæ sunt I. si quis fuit lœsus tempore, quo fuit absens Reipublicæ causa, vel propter morbum, pestem, merum, captivitatem,

vel

vel injustam detentionem. 2. si sint personæ, in quibus toleratur ignorantia Juris, uti mulieres, rustici, milites in actuali expeditione morantes. 3. justus error, & probabilis ignorantia, at probabilius non ignorantia facti in ordine ad restituendum contra Præscriptionem completam.

Quæres, an Minor contra Minorem, & Ecclesia contra Ecclesiam restituenda sit? *R. affirmativè. l. 11. §. 6. ff. de Minor. c. 3. h. t.* Si objicias, privilegium non gaudere suô privilegiō contra pariter privilegium, *R. id verum esse, si par sit utriusque conditio, non verò, si dispar, ut si unus sit lædens, & certet de lucro captando, alter autem læsus, & certet de danno vitando: quia tali casu lædens non est privilegiatus.* Aliud foret, si uterque esset læsus, & certaret de danno vitando, ut si minor dedisset minori mutuam pecuniam, & iste hanc absumpsiisset prodigè, vel perdidisset; tunc enim non daretur restitutio. *l. & §. cit.*

Dico 3. Restitutio in integrum peti debet à Jūdice, qui competens est respectu Rei, contra quem petitur. 2. citata parte adversa, & causâ cognitâ, nisi læsio sit notaria. 3. intra debitum tempus. Pars 1. sumitur ex c. 8. de for. comp. ubi habetur, quod Auctor debeat sequi forum Rei, præfertim ubi actio realis (qualis non datur petenti restitutionem ob læsiouem, imò nulla actio propriè dicta, sed solum, imploratio officii Judicis) locum non habet, quæ posset etiam in loco rei sitæ proponi. Nihil autem interest, utrùm Judex sit Ordinarius, vel Delegatus Principis, vel inferioris, modò non sit pedaneus, vel subdelegatus ad

unum

unum tantum causæ articulum, ac omni jurisdicione & imperio destitutus, vel arbiter: & modo non attenter restituere adversus sententiam Superioris. per l. 18. ff. de Minor. Pars 2. ex l. fin. ff. h. t. l. 11. cit. §. 3. Pars 3. ex l. ult. C. de tempor. in integr. Restit. c. 1. in 6. & Clem. un. h. t.

6 Quæres igitur, intra quod tempus peti debet Restitutio? R. 1. Respectu Minorum, si non petit est durante minorenitate, intra quadriennium ab aequalitate majorenitate. l. ult. cit. ubi correctum est Jus antiquum l. 19. ff. de Minor. ubi annus utilis tantum fuit concessus. Quadriennium vero in decursu est continuum, initio tamen est utile, h.e. non incipit fluere, nisi cessante impedimento. R. 2. Respectu Majorennum pariter concessum est quadriennium, quod statim incipit à die læsionis factæ, & cessantis impedimenti, v.g. absentia: si tamen illud impedimentum fuit dolus, per biennium tantum, si metus, per annum duntaxat impeditur initium quadriennii. l. fin. C. de dolo l. 14. §. 1. ff. quod met. cauf. R. 3. Respectu Ecclesiæ, vel Republicæ, rursus quadriennium à die factæ læsionis, & cessantis impedimenti, licet impedimentum sit dolus vel metus, quod saltem respectu Ecclesiæ perpetuo impedit initium quadriennii, & probabilitus usque ad 30. vel 40. annos. per c. 1. cit. c. penult. de reb. Eccl. alien. & arg. l. 3. C. de Praescr. 30. vel 40. annor. juncta gl. marg. litt. C. quia Ecclesia semper manet quasi Minor, & res ejus semper curantur per administratores. Quæstionis est, utrum ignorantia læsionis sit impedimentum & causa talis, propter quam Ecclesiæ non incipiat

incipiat currere quadriennium, seu, an respectu Ecclesiae incipiat quadriennium à die læsionis factæ vel cognitæ? R. cum Arnoldo Rath *de usucap.* 6. s. f. 45. P. Wiestner *b. n. 71.* & multis Recentioribus (contra Engel, König, Menoch. & plerosque Antiquos, qui ajunt sibi suffragari praxin) à die læsionis factæ; adeoque ignorantia læsionis nec Ecclesiae patrocinatur. per c. 1. 2. in 6. & Clem. un. b. t. Confirmatur 1. ab exemplo Majorennum, & Minorennum majorennitatem adeptorum. 2. quia aliás nemo facile contraheret cum Ecclesia, ed quod nunquam foret securus, ne Ecclesia post 40. 100. 1000. annos sub prætextu non cognitæ priùs læsionis peteret Restitutionem. 3. ex paritate cum præscriptione, quæ currit etiam contra ignorantes: ergo etiam præscribitur contra Ecclesiam, quæ ignorat læsionem, intra quadriennium, sicut aliis actionibus, quas habet Ecclesia, præscribitur tempore à Jure determinatō non obstante ignorantia; aliás enim præscriptio nunquam haberet locum; quis enim sciens rem suam ab alio detineri non repetit? vel quis sciens contra jus suum aliquid fieri, vel damnum ab altero sibi illatum esse, non reclamat?

Dico 4. Restitutio in integrum ita fieri debet. ut læsus recuperet rem suam absque ullo detimento, lændens verò (si bona fide egit) nihil perdat de suo, adeoque ut neuter fiat ditior. Ratio, quia restitutio est repositio in pristinum statum. c. 1. h. t. l. 24. f. 4. ff. de Minor. Unde restitutus debet compensare expensas utiles in rem factas restituenti, & æstimationem laboris in colligendis fructibus. l. 27. 39. ff. eod. l. 10. C.

Pers I.

T

de

*de prædiis Minorum.* Econtra si Minor, qui restituitur, pretium, pro re sibi solutum sine decreto Judicis, dilapidasset, non cogendus esset ad illud refundendum; quia non factus est ditionis? & tunc debent restituui unà cum re fructus formaliter existentes, si lædens fuit in bona fide, item fructus omnes post litis contestationem percepti.

*l. 22. C. de R. V.* Si vero fuit in mala fide, etiam consumpti præter existentes, imò & præcipiendo, ut alibi docetur, & insinuat l. 22. cit. Si vero restituatur Minor vel Ecclesia, tunc ipsi debent restituui fructus rei, quando & quatenus in his est læsus vel læsa.

*Objic.* Res fructificat domino: ergo fructus non debent restituui à lædente; quia per actum vel contractum, qui supponi debet tanquam validus, ut locum habeat Restitutio, acquisivit dominium rei.

*R.* Lædens factus est quidem dominus rei & fructuum, qui per se cedunt domino, sed solùm revocabiliter, & non absolute, propter privilegium restitutionis in integrum.

## TITULUS XLII.

*De Alienatione Judicij mutandi causa.*

## SUMMARIUM.

1. *Quid sit alienare Judicij mutandi causâ.*
2. *Quale remedium competit læso per talem alienationem.*

*Ali-*